



UNIT KOMUNIKASI KORPORAT
AGANSI PENGUATKUASAAN MARITIM MALAYSIA
ZON MARITIM KUDAT
Jabatan Perdana Menteri
Jalan Lintas, 89050 KUDAT
SABAH



Tel : 088-611858
Faks : 088-611860

Ruj. Tuan :
Ruj. Kami : *APMM.KDT.UKK.100-2/1/1 (11)*
Tarikh : 25 Ogos 2018

SIARAN MEDIA

BANTUAN PENGANGKUTAN KECEMASAN UNTUK PESAKIT KANAK-KANAK OLEH MARITIM MALAYSIA

KUDAT, 24 Ogos - Agensi Penguatkuasaan Maritim Malaysia (Maritim Malaysia) membantu memindahkan seorang kanak-kanak yang mengalamijangkitan kuman pada paru-paru dari Karakit, Pulau Banggi ke Kudat, semalam.

Pengarah Maritim Negeri Sabah dan Wilayah Persekutuan Labuan, Laksamana Muda Maritim Dato' Mohd Zubil Bin Mat Som berkata pusat operasi Maritim Malaysia Kudat telah menerima panggilan telefon daripada Klinik Kesihatan Karakit pada sekitar jam 5.50 petang yang memohon bantuan pengangkutan kecemasan bagi memindahkan seorang pesakit kanak-kanak perempuan, Rosita Binti Rikat, 11 tahun yang memerlukan rawatan segera di Hospital Daerah Kudat.

Beliau berkata "sejurus aduan diterima, sebuah bot ronda Maritim Malaysia yang sedang dalam penugasan Ops Pluto Timur digerakkan ke lokasi bagi melaksanakan Operasi Medevac (*Medical Evacuation*) untuk memindahkan pesakit tersebut. Bot ronda Maritim Malaysia tiba di Jeti Karakit pada sekitar jam 7.00 petang dan pesakit tersebut dipindahkan ke atas bot ronda, seterusnya segera dibawa ke Jeti Marina Kudat dan tiba pada sekitar jam 8.20 malam. Pesakit yang ditemani oleh bapa dan kakaknya beserta seorang Pegawai Perubatan dari Klinik Kesihatan Karakit terus dikejarkan ke Hospital Daerah Kudat dengan bantuan ambulans untuk rawatan lanjut."

"Pihak Maritim Malaysia menggesa orang ramai yang berdepan dengan situasi kecemasan di laut untuk menghubungi Malaysian Emergency Respond System (MERS 999) atau Pusat Operasi Maritim Kudat di talian 088-611858 agar tindakan pantas dapat diambil oleh pihak kami serta dapat mengelakkan dari sesuatu musibah atau kemalangan menjadi lebih serius." katanya lagi.

- TAMAT -

Dikeluarkan oleh Unit Komunikasi Korporat Zon Maritim Kudat

Sebarang pertanyaan, sila hubungi :
LK I (M) Mohamad Shahril Bin Abdul Hadi
Pegawai Perhubungan Awam Maritim Malaysia,
Agensi Penguatkuasaan Maritim Malaysia,
Zon Maritim Kudat.
Tel : 088611858 / 0139804313
Emel : mohamadshahril@mmea.gov.my